

大方等大集賢護經卷第一

罪五

賢護分思惟品第一

隋天竺三藏闍那崛多共笈多等譯

如是我聞一時佛在王舍城迦蘭陀竹園精舍與大比丘衆五百人俱皆是阿羅漢諸漏已盡無復煩惱咸得自在心善解脫慧善解脫調伏一切猶如大龍所作已辦衆行具備棄捨重擔不受後生行於平等獲真己利安住正教得到彼岸惟除長老阿難一人爾時復有五百諸比丘於晨朝時各從住處詣世尊所恭敬合掌頂禮佛足退坐一面尊者舍利弗尊者大目連在舍衛城夏安居已亦與五百諸比丘俱次第遊行城邑聚落至王舍城入迦蘭陀竹園精舍詣世尊所到已恭敬頂禮佛足退坐一面爾時世尊以神通力放大威光令彼諸國城邑聚落一切所有諸比丘衆咸各來詣王舍大城入迦蘭陀竹園精舍至世尊所恭敬合掌頂禮佛足退坐

一而爾時迦蘭陀竹園精舍有百千數諸比丘等承佛威光皆已雲集至世尊所恭敬合掌頂禮佛足退坐一面爾時復有波摩訶波闍波提比丘尼亦承世尊威神力故亦與二萬比丘尼俱悉皆大集入迦蘭陀竹園精舍詣世尊所恭敬合掌頂禮佛足退坐一面爾時王舍大城有優婆塞名曰賢護爲衆上首亦與五百優婆塞俱受持五戒具足威儀是大菩薩久已住於阿耨多羅三藐三菩提行本願力故常隨世尊樂聞正法恒勤精進爲滿一切助道法故於朝旦時承佛威神從本住處入迦蘭陀竹園精舍至世尊所恭敬合掌頂禮佛足退坐一面爾時毗耶離大城有一雜車子名曰寶生爲衆上首亦與二萬八千諸離車俱於晨朝時承佛神力皆自彼城發來入此迦蘭陀園至如來所恭敬合掌頂禮佛足退坐一面爾時瞻婆城有一長者子名曰星藏爲衆上首亦與二萬八千長者子

俱於晨朝時承佛神力自瞻婆城發來入此迦蘭陀園至世尊所恭敬合掌頂禮佛足退坐一面爾坐一面余時復有一摩那婆晡言淨持亦云少年亦云仁童子等名那羅達多爲衆上首亦與二萬八千人俱於晨朝時自本住處發來入此迦蘭陀園詣世尊所恭敬合掌頂禮佛足退坐一面余時

第五

舍衛國復有長者名大善商主并彼給孤獨長者爲衆上首亦與二萬八千人俱自彼舍衛國詣王舍城入迦蘭陀園至世尊所恭敬合掌頂禮佛足退坐一面余時王舍大城復有長者名曰水天爲最上首亦與二萬八千人從本住處發來入此迦蘭陀園詣世尊所恭敬合掌頂禮佛足退坐一面余時摩伽陀國主韋提希子阿闍世王亦與百千諸眷屬俱於晨朝時亦來入此迦蘭陀園詣世尊所頂禮佛足退坐一面余時復有四大天王及天帝釋乃至欲界一切天衆各與無量百千億那由他眷屬天衆俱亦於晨朝悉來入此

迦蘭陀園至如來所頂禮佛足退坐一面余時復有娑婆世界主大梵天王亦與無量百千億那由他眷屬天衆俱於晨朝時悉入迦蘭陀園至如來所頂禮佛足退坐一面余時復有大自在天王亦與無量百千淨居諸天衆俱於晨朝時悉入迦蘭陀園頂禮佛足退坐一面余時復有四阿脩羅王各與無量千眷屬阿脩羅衆俱亦於晨朝入迦蘭陀園詣如來所頂禮佛足退坐一面余時復有難陀龍王及跋難陀龍王各與無量百千眷屬諸龍衆俱亦於晨朝入迦蘭陀園詣如來所頂禮佛足退坐一面余時復有婆伽羅龍王

第六

阿那婆達多龍王及摩那斯龍王伊跋羅龍王等各與無量百千眷屬諸龍衆俱亦於晨朝入迦蘭陀園詣如來所頂禮佛足退坐一面余時此三千大千世界一切諸比丘比丘尼優婆塞優婆夷及以一切天龍夜叉乾闥婆阿脩羅迦樓羅緊那羅摩睺羅伽乃至人

非人及諸王等信如來者爲聽法故一切皆集迦蘭陀園詣如來所頂禮佛足各坐一面余時迦蘭陀園其地弘廣如此三千大千世界新有地方大眾充滿無空缺處若杖頭許而不偏者如是上至有頂下逮梵宮所有一切大威德神通諸天大眾乃至一切諸龍夜叉乾闥婆阿脩羅迦樓羅緊那羅摩睺羅伽人非人等皆來集會余時賢護菩薩摩訶薩即從座起偏袒右肩右膝著地合掌向佛白佛言世尊我於今者欲得諮問如來應供等正覺心中所疑不審世尊見垂聽不余時世尊復告賢護菩薩言賢護如來世尊隨汝所疑恣汝所問爲汝宣釋今汝歡喜時彼賢護菩薩既蒙聽許復白佛言世尊菩薩摩訶薩具足成就何等三昧而能得彼大功德聚云何得入多聞大海獲智慧藏問無疑惑故云何復得無意戒聚不失成就於阿耨多羅三藐三菩提無退減故復云何得不生愚癡邪

見空處故云何當得宿命智遍知去來故云何當得不離奉見諸佛世尊聽聞正法乃至夢中故云何當得殊特端正上妙色身具足威儀衆生樂見故云何當得常生大姓之家尊貴之位見者恭敬故云何復得父母兄弟宗親眷屬及以知識左右圍遼恒無別離故云何當得廣達博通所爲殊異亦終無缺減於阿耨多羅三藐三菩提心故云何當得正念正行節度不移心知足故云何當得常生慚愧遠離耻辱故云何當得正智謙恭降伏我慢故云何當得策勤精進遠離懈怠故云何當得大慈大悲大喜大捨平等與樂故云四
黑五同

何當得聞說甚深真空無相無願法時一切無有驚怖退沒故云何當得不樂懶惰攝受正法故云何當得智慧通達明了一切無與等者故云何當得於一切佛刹隨意得生故云何當得不爲一切外道所摧壞故云何當得如海能受納衆問疑釋難無滅無盡故云

何當得如月滿白淨法具足故云何當得如日初出破諸暗冥故云何當得如燈炬光明照了故云何當得如虛空性無有堅礙故云何當得無所住著心如虛空故云何當得如金剛穿徹通達一切法故云何當得如須彌山不可動搖故云何當得如門闥一切正住故云何當得如貓狗獸等心業成就故云何當得無爲一切諸法中故云何當得如飛鳥隨意而去故云何當得摧擣慢如旃陀羅子故云何當得住阿蘭若如諸獸獮猴等不樂城邑聚落一切出家在家不相參亂故云何當得統領大眾教詔導示故云何當得不樂生一切衆生中不動於一切衆生故云何當得不爲一切外道降伏天魔惑亂故云何當得大辯才於一切法決了知故云何當得於一切佛法不隨他行故云何當得大堅固信無可毀壞故云何當得大慈力信不可動故云何當得深入信無所行故云何當得潤澤信於一切

法中多歡喜故云何當得最勝信供養奉事一切諸佛無狀足故云何當得種種入信種諸善根故云何當得真妙信增長無虛偽行故云何當得淨喜信除滅一切嫉妬垢故云何當得清淨信得一切種智光明故云何當得喜樂行信除滅諸蓋障惡故云何當得智喜信攝受諸佛境界故云何當得莊嚴行信勝一切世間瓊瑤莊嚴佛國清淨成就故云何當得清淨戒行求滅一切聲聞辟支佛心故云何當得莊嚴大誓一切所作皆究竟故云何當得爲一切衆生中上首欲行諸善法故云何當得無有疲倦爲欲教授一切菩薩所學諸波羅蜜故云何當得不退轉多求一切佛法故云何當得不可壞不爲一切外道邪師所破故云何當得深信一切諸佛不捨此念常見諸佛故云何當得如父想紹隆一切佛法故云何當得佛力加持於一切佛法光明中生故云何當得無障礙一切佛法悉現在前故云何當得如幻人

於一切法無思念故云何當得如化者觀一切法無生滅故云何當得如夢觀察三世無來去故云何當得如鏡像一切世界斯現身中故云何當得如響聲一切法無作無爲因緣生故云何當得如形影於一切生法自無心取捨故云何當得空無所有遠離一切諸物想故云何當得無相觀一切法無有二故云何當得法界邊際菩提心無限量故云何當得不起著一切世界性無分別故云何當得無礙行遍遊一切諸佛刹中故云何當得諸陀羅尼聞一知萬善達一切文字分別說故云何當得如諸法師善知一切佛法故云何當得一切諸佛所護念一切佛威力加持故云何當得雄猛不怯弱出聲如大牛王及大師子王步故云何當得無畏令一切世間歡喜故云何當得無疑惑於一切佛平等無二故云何當得通達如如滅除疑惑不著諸法故云何當得證深法界善能解釋所問義

釋五

六

同

故云何當得師利益他具足大慈故云何當得滅除懶惰恒樂說法故云何當得如法住不捨一切衆生故云何當得不詭曲性淳直故云何當得如眼目爲一切世間燈明故云何當得不可輕憇勝出一切三界故云何當得無諍論如教說行故云何當得無艱難行無住著故云何當得知於實際不分別諸法故云何當得說一切語言智令諸衆生住於大乘故云何當得至無畏處遠離恐怖永無一切毛堅等事故云何當得知佛方便說善達一切修多羅等故云何當得不空生世間恒入一切衆中獲利故云何當得爲一切智首於一切世間應受供養大名聞故云何當得無邊讚歎功德爲一切衆生福田故云何當得大歡喜踊躍無量常在諸如來師子座下故云何當得勝上辯才能問一切佛法故云何當得意不怯弱辯才於一切大衆中無怖畏故云何當得一切論議辯如師子王降

伏一切外道攝受諸異論師故云何當得不壞本誓莊嚴欲摧一切邪異朋黨故云何當得善巧說法常處師子座一切諸佛印可故云何當得遠離一切世間無義語言以通達一切正教故云何當得深愛一切諸佛法於諸如來生處行故云何當得樂欲真法知諸

七

甫

如來不生故云何當得不懈慢善承事知識故云何當得不染著遊行一切世界故云何當得願行具足爲教化一切衆生故云何當得如珊瑚得諸相故云何當得如虛空一切法無得相故云何當得如菩薩不斷佛種故云何當得不休息行諸菩薩道未曾遠離大乘故云何當得著大鎧甲諸佛廣大戒中決定住故云何當得一切諸佛所讚灌頂住於諸如來十力地中故云何當得一切所想通達一切諸法行故云何當得一切筭數巧方便知故云何當得善知一切成壞遠離一切障礙行故云何當得一切不住行不取不捨

故云何當得一切大施主能施無悔故云何當得入諸法海能施勝上法寶藏故云何當得一切世間行能捨世間諸相故云何當得廣大神通隨順諸佛神通滿足歡喜故云何當得一剎那時間行即能遍至一切諸佛前故復云何當得住此佛刹徧見一切十方諸佛聽聞正法供養衆僧非但未得出世六通而實未得世間五通而亦未捨此世界身亦無生彼諸佛國土惟住此土見餘世界諸佛世尊悉聞諸佛所宣正法一切聽受如說修行世尊譬言如今時聖者阿難於世尊前親聞法已皆悉受持如說奉行彼諸菩薩身居此土不至彼界而能徧覩諸佛世尊聽聞法已悉能受持如說修行亦復如是從是已後一切生處常不遠離諸佛世尊聽聞正法乃至夢中咸若斯也尔時世尊告賢護菩薩摩訶薩言善哉善哉賢護汝今乃能請問如來如是妙義汝為利益一切世間諸衆生故亦為

安樂諸衆生故復爲憐愍諸天人故復爲攝受未來世中諸菩薩故賢護而汝往昔已曾供養無量諸佛種諸善根聽聞正法受持正法愛樂正法敬重正法汝今但以摩訶迦葉教化行故少欲知足恒樂閑靜阿蘭若處或居塚間或在樹下亦露地坐常坐不卧一敷不移受乞食法一食不再或一坐食或惟一搏惟畜三衣及糞埽衣讚歎頭陀勸請諸菩薩教菩薩行法令諸菩薩喜訶責諸菩薩教示諸菩薩成就諸菩薩能爲利益行大慈悲於諸衆生生平等心咸得自在到於彼岸隨意得見一切諸佛發廣大願行深妙行樂一
五

切智菩提梁柱善能隨順如來種性發菩提心猶如金剛通達世間衆生所念廣大妙行不可校量不可稱量常在一切諸佛目前賢護於汝功德中未說少分也賢護今有菩薩具三昧名曰思惟諸佛現前三昧若有菩薩具足修集如是三昧當得成就如上所問諸功

德等賢護當知更有無量無邊勝上功德說不可盡尔時賢護菩薩復白佛言善哉世尊惟願說此菩薩念一切佛現前三昧今此世間天人梵魔沙門婆羅門諸龍夜叉乾闔婆阿脩羅迦樓羅緊那羅摩睂羅伽人非人等多獲利益多受安樂故亦令當來無量衆生多得利益多受安樂故又爲未來諸菩薩輩作大光明承佛威力故又願現在未來諸菩薩等普得聞此念一切佛現前三昧彼既聞已皆悉受持既受持已一切皆當如實修學如教奉行既學行已當令得不退轉於阿耨多羅三藐三菩提現前即能具足成就如是
五

功德及餘勝上功德等尔時世尊復告賢護菩薩言賢護如汝言者汝當諦聽善思念之吾今爲汝分別解說賢護復言善哉世尊我深樂聞如來所說佛復告言賢護云何名爲菩薩思惟一切諸佛現前三昧若有菩薩具足成就此三昧者即獲如前諸功德事亦得

其餘殊異功德所謂心念諸佛皆現在前其心不亂不捨作業求勝上智勇猛精勤荷負重擔度脫衆生承事供給諸善知識常修空寂廣大思惟親善知識滅除諸蓋遠離惡友息世語言塞諸根門初中後夜減損睡眠不貪衣服飲湯藥堂房屋宇牀座衆具恒樂

空閑住阿蘭若不愛己身不重我命不著形色不縱其心修以慈心熏以悲行一切時喜常行捨心破壞煩惱成就諸禪於中思惟不著滋味觀察色想惟得空心不亂正念不取諸陰不著諸入不思諸界不貪生處調伏慢高不妬他財爲諸世間多作饒益於諸衆生

諸陰無有物想不住涅槃不著生死諸行煩惱輪發大恐怖想諸陰怨家想諸入空宅想諸界毒蛇想三界衰惱想涅槃利安想觀諸欲惡猶如唾淚深樂出家不違佛教於衆生所勸行功德於諸世界無復染心見一切佛皆悉現前受一切身皆若幻夢一切諸相觀

察滅除思惟往來不見三世於信清淨深信作一子心一切法中無有諍想雖念持戒而不執著常在禪定亦無耽染好樂多聞不起分別戒聚不缺定聚不動智聚不妄諸法無疑不肯諸佛不謗正法不壞衆僧不好乖離親近衆聖遠離愚癡不志求出世雖聞語言

意不樂聽亦不耽著世間六味習近熏修五解脫法除滅十惡念修十善斷滅衆生九種惱處心常不離九想觀門常思棄捐八種懈怠一心修習八大人覺不著禪味不持多聞摧伏我慢一心聽受求法慇重修道證知憐愍衆生離我分別求壽命想畢竟難得觀察

衆生界性無生滅見涅槃界本來現前慧眼
 清淨觀法無二彼菩提心無中無邊一切諸
 佛體無差異入於無礙清淨智門明見菩提
 自然覺智於善知識起諸佛想於菩薩所不
 念乖離已於生死破壞魔軍一切衆事皆悉
 如化見諸如來如鏡中像應當求彼菩提之
 心諸波羅蜜莫不平等實際無盡集佛功德
 賢護是爲菩薩思惟諸佛現前三昧若有菩
 薩摩訶薩欲具成就如是三昧當先成就如
 是功德賢護當知更有無量功德然亦緣此
 三昧而生佛復告賢護言是中何等三昧能
 生如是諸功德行所謂菩薩思惟諸佛現前
 三昧能生如是諸功德法復次賢護云何名
 爲菩薩思惟諸佛現前三昧也賢護若有此
 丘比丘尼優婆塞優婆夷清淨持戒具足諸
 行獨處空閑如是思惟於一切處隨何方所
 即若西方阿彌陀如來應供等正覺是人爾
 時如所聞已即應自作如是想念如我所聞

彼阿彌陀如來應供等正覺今在西方經途
 去此過百千億諸佛國土彼有世界名曰安
 樂如是如來今現在彼爲諸菩薩周匝圍遶
 處大衆中說法教化而是人依所聞故繫
 念思惟觀察不已了了分明終獲見彼阿彌
 陀如來應供等正覺也復次賢護譬如世間
 若男若女於睡夢中見種種事所謂金銀衆
 寶珍財倉庫或見朋友諸知識輩或見覺時
 心不樂者是人夢中所對境界或違或順或
 憂或喜有時語言歡欣極樂有時慘感盡意
 悲哀是人寤已思惟憶念如夢所見爲他廣
 宣追念夢中便生憂喜如是賢護彼善男子
 善女人端坐繫念專心想彼阿彌陀如來應
 供等正覺如是相好如是威儀如是大衆如
 是說法如聞繫念一心相續次第不亂或經
 一日或復一夜如是或至七日七夜如前所
 聞具足念故是人必覩阿彌陀如來應供等
 正覺也若於晝時不能見者若於夜分或睡

夢中阿彌陀佛必當現也復次賢護譬言如世間若男若女遠行他國於睡夢中見本居家時實不知爲晝爲夜而亦不知爲內爲外是人余時所有眼根牆壁石山終不能障乃至幽冥黑暗亦不爲礙也賢護菩薩摩訶薩心無障礙亦復如是當正念時於彼所有佛刹

中間凡是一切須彌山王及鐵圍山大鐵圍山乃至自餘諸黑山等不能與此眼根爲障而亦不能覆蔽此心然人者其實未得天眼能見彼佛亦無天耳聞彼法音復非神通往彼世界又亦不於此世界沒生彼佛前而實但在此世界中積念熏修久觀明利故終得覩彼阿彌陀如來應等正覺僧衆圍遶菩薩會中或見自身在彼聽法聞已憶念受持修行或時復得恭敬禮拜尊承供養彼阿彌陀如來應等正覺已是人然後起此三昧其出觀已次第思惟如所見聞爲他廣說復次賢護如此摩伽陀國有三丈夫其第一者聞毗

羅五

十一

同

耶離城有一姪女名須摩那彼第二人聞有姪女名菴羅波離彼第三人聞有姪女名蓮華色彼既聞已各設方便繫意勤求無時暫廢然彼三人實未曾覩如是諸女直以遙聞即興欲心專念不息後因夢已在王舍城與彼女人共行欲事欲事既成求心亦息希望既滿遂便覺寤寤已追念夢中所行如所聞見如所證知如是憶念來詣汝所具爲汝說者汝應爲彼方便說法隨順教化令其得住不退轉地究竟成就阿耨多羅三藐三菩提彼於當來必得成佛号曰善覺如來應供等正覺明行足善逝世間解無上士調御丈夫天人師佛世尊如是三人既得忍已還復憶念往昔諸事了了分明也賢護彼善男子善女人等若欲成就菩薩摩訶薩思惟一切諸佛現前三昧亦復如是其身常住此世界中暫得聞彼阿彌陀如來應供等正覺名号而能繫心相續思惟次第不亂分明覩彼阿彌

陀佛是爲菩薩思惟具足成就諸佛現前三昧因此三昧得見佛故遂請問彼阿彌陀佛言世尊諸菩薩等成就何法而得生此佛刹中耶尔時阿彌陀佛語是菩薩言若人發心求生此者常當繫心正念相續阿彌陀佛便得生也既得生已世尊於是知彼心故亦即念彼彼方得見佛世尊耳賢護時彼阿彌陀如來應等正覺告彼人言諸善男子汝當正念精勤修習發廣大心必生此也賢護時彼菩薩復白阿彌陀佛言世尊是中云何念佛世尊精勤修習發廣大心得生此利耶賢護時彼阿彌陀佛復告彼言諸善男子若汝今欲正念佛者當如是念今者阿彌陀如來應正覺明行足善逝世間解無上士調御丈夫天人師佛世尊具有如是三十二相八十隨形好身色光明如融金聚具足成就衆寶輦舉放大光明坐師子座沙門衆中說如斯法其所說者謂一切法本來不壞亦無壞者如

十三末

卷一

不壞色乃至不壞識等諸陰故又如不壞地乃至不壞風等諸大故又不壞色乃至不壞觸等諸入故又不壞梵乃至不壞一切世主等如是乃至不念彼如來亦不得彼如來彼作如是念如來已如是次第得空三昧善男子是名正念諸佛現前三昧也賢護爾時彼菩薩從三昧起已來詣汝所說此三昧相昔汝時即應爲彼說法隨順教化令於阿耨多羅三藐三菩提得不退轉

大方等大集賢護經卷第一

罪

大方等大集賢護經卷第二

罪六

大方等大集賢護經卷第二

隋天竺三藏闍那崛多共笈多等譯
賢護分思惟品之餘

賢護我時則亦授彼佛記是人當來必得成佛号曰德光明如來應供等正覺乃至佛世尊賢護是中三昧誰當證知今我弟子摩訶